

慈溪黃氏日抄分類古今紀要

八

慈溪黃氏日抄分類卷十一



讀春秋五

成公

名黑肱宣公子母穆姜諱法安民立政曰成

元年春王正月公即位

行即位禮也

二月辛酉葬我君宣公

五月而葬

無冰

岷隱於柏公十四年春無冰講義云詩三之日納

讀春秋五

六

陳魯

冰今正月也四之日獻羔祭韭而出冰今二月也

左氏所謂西陸朝覲而出之考今三月也大要十

二月取冰且取且藏至正月而畢二月出冰至三

月而用春秋書春無冰者去年十二月時燠無冰

今年之春無冰可出春秋於是時而書之也

三月作丘甲

周制九夫為井四井為邑四邑為丘四丘為甸一

甸六十四井五百七十六夫共出車一乘甲士三

人今作丘甲是一丘出一甲一甸出四甲矣變法

增賦故書

夏臧孫許及晉侯盟于赤棘

臧孫許魯大夫臧文仲之子号宣叔赤棘晉地去歲公孫歸父如晉謀去三桓未返而公薨死臧孫許為三桓去歸父之族而歸父奔齊三桓懼其見討故作丘甲以謀伐齊盟赤棘以止晉兵皆三桓為已計而主之者行父也

秋王師敗績于茅戎

傳載晉侯平戎于王劉康公邀戎而伐之遂敗于徐吾氏書曰王師敗績于茅戎若曰王師自敗云爾茅公穀並作質

讀春秋五

陳

冬十月

備四時之首

二年春齊侯伐我北鄙

岷隱曰宣公在位十八年與齊為好至親且密成公即位首與齊為仇斷道赤棘之盟將謀伐齊齊安得不伐我愚按斷道之盟晉本徵會于齊而適有齟齬耳赤棘之盟則歸父謀去三桓不遂而奔齊三桓怨歸父故謀伐齊齊侯輕躁故先伐魯觀鞏之敗可知齊侯之為人矣

夏四月丙戌衛孫良夫帥師及齊師戰于新築衛師

敗績

傳載衛使孫良夫石稷侵齊與齊師遇石稷欲還良夫不可故敗按新築衛地恐齊亦來伐衛而與之遇於新築也

六月癸酉季孫行父臧孫許叔孫僑如公孫嬰齊帥師會晉郤克衛孫良夫曹公子首及齊侯戰于鞌齊師敗績

季孫叔孫怨歸父欲去己不遂而奔齊力謀伐齊晉郤克怨齊婦人笑其跛父欲伐齊衛孫良夫新敗於齊遂會師以伐齊若曹公子則役於大國者

讀春秋五

三

陳傳

也故行父得以四國七大夫之師伐齊齊頃驕蹇自恣臨戰有滅此朝食之語故及於敗曹公子首公穀作手

秋七月齊侯使國佐如師己酉及國佐盟于袤婁晉欲質齊侯之母及使齊盡東其畝國佐請背城借一乃得盟自鞌至袤婁近齊五百里袤婁穀梁作爰婁

八月壬午宋公鮑卒庚寅衛侯速卒

宋文公立二十二年卒傳載其始厚葬衛穆公立十一年卒

取汶陽田

此本魯地也今晉使齊人歸之

冬楚師鄭師侵衛

楚以魯衛受盟於晉而伐齊故救齊而先與鄭復衛不訥曰時楚其新立未能和諸侯晉不於此時反陳鄭於既夷和齊魯以抗是乃修一朝之忿助魯衛以敗齊則楚鄭之侵衛實晉致之也晉失此機而楚得盟諸侯於蜀矣

十有一月公會楚公子嬰齊于蜀丙申公及楚人秦人宋人陳人衛人鄭人齊人曹人邾人薛人鄆人盟于蜀

一讀秀秋五

四

庚申

楚侵衛則兵將及魯故公懼而潛服于楚以逆弭楚兵左氏謂之匱盟言畏晉而竊與楚盟也然昔之盟于晉者今皆盟于楚矣可不悲夫蘇氏曰蜀之盟諸侯從楚者十一國晉不敢爭其後四十三年晉趙武楚屈建合諸侯于宋然後晉楚之從得交相見又八年楚靈王求諸侯于晉晉人許之然後諸侯始從楚皆蜀之盟啓之也蜀魯地是會也魯倡之楚主之

三年春王正月公會晉侯宋公衛侯曹伯伐鄭

宣十二年鄭從楚伐晉敗晉于邲故今言伐之傳
載復為鄭所敗獻捷于楚木訥曰諸侯冬從楚而
春從晉冬盟鄭而春伐鄭何諸侯之不自安不自
信也霸主之不作也鄭之從楚久矣使晉有志於
抗楚而服鄭曷若移重之役於今日乎移七大夫
之勢以迫楚楚必怖移七百乘之兵以伐鄭鄭必
服今兵力既盡於齊諸侯既楚而區區據諸
侯於從楚之餘以伐鄭宜其不克鄭也

辛亥葬衛穆公

及六月而葬

讀春秋五

五

陳晉

二月公至自伐鄭

從晉伐鄭而歸也

甲子新宮災三日哭

新宮宣公之廟也崔氏曰稱新宮者當時之辭也
三年喪畢始廟祭矣哀痛之故三日哭也

乙亥葬宋文公

八月而葬

夏公如晉

傳云拜汶陽之田也

鄭公子去疾帥師伐許

岷隱曰左氏載許恃楚而不事鄭鄭子良伐許甚矣鄭之不度德也鄭方得罪中國晉帥諸侯伐之鄭當恐懼謝罪顧以計不事已遽至與師至又復伐許木訥曰楚越許而後至鄭許弱不能抗楚折而歸之今鄭無謀亦折而從之又連年伐許是自撤藩籬以開楚寇也

公至自晉

謝得汶陽田而歸

秋叔孫僑如帥師圍棘

棘汶陽之邑齊以歸魯而棘不服故圍之先儒謂

本魯故邑而今不肯歸者畏檢畝丘甲之苛政也

大雩

禱雨之祭大雩也

晉郤克律孫良夫也屬各如彼

晉滅赤狄其餘民散入齊魯如故伐之屬穀梁作

牆公羊作

冬十有一月晉侯使荀庚來聘衛侯使孫良夫來聘丙午及荀庚盟丁未及孫良夫盟

二大夫同時而聘魯方畏晉待其大夫不敢與列國齒故丙午盟晉丁未盟衛

鄭伐許

程氏曰鄭附於楚一年而再伐許

四年春宋公使華元來聘

傳曰通嗣君也蓋宋共公初立

三月壬申鄭伯堅卒

鄭襄公立十八年卒

杞伯來朝

將黜叔姬先來言其故

夏四月甲寅城祿許卒

宣叔也臧文仲之子

黃春卷五

七

陳晉

公如晉

傳載晉侯見公不語公欲叛晉季文子不可曰晉

侯必不免張氏曰晉景公勝齊而驕故魯欲叛之

也

葬鄭襄公

三月卒夏而葬速

秋公至自晉

夏如晉而今歸也

冬城鄆

岷隱曰鄆有二東鄆莒邑魯所爭也西鄆魯邑今

新城也定公時齊歸鄆謹龜陰之田杜氏謂此三邑者汶陽之田也魯既得汶陽故城鄆以為固左氏謂欲叛晉而城鄆者非也木訥曰西鄆近齊以為懼齊之復見奪則然矣左氏以為備晉則鄆去晉遠矣鄆公羊作運

鄭伯伐許

鄭於是三伐許矣况今悼公居喪未逾年親自伐許石氏曰父成人喪子以喪伐人

五年春王正月杞叔姬來歸

內女見出曰來歸

讀春秋五

八

陳魚

仲孫蔑如宋

蔑孟獻子也如宋報前年華元之聘也

夏叔孫僑如會晉荀首于穀

左氏曰晉荀首如齊逆女故宣伯饗諸穀注穀齊地也岷隱曰魯畏晉故其大夫逆女而僑如饋之首公羊作秀

梁山崩

梁山韓地晉滅韓故屬晉左氏傳晉召伯宗伯宗以鞏人之言告以山崩川竭君為之不舉

秋大水

書災

冬十有一月己酉天王崩

周定王立二十一年崩

十有二月己丑公會晉侯齊侯宋公衛侯鄭伯曹伯
邾子杞伯同盟于夷平

左氏載許靈公與鄭悼公如楚訟不勝故
請成于晉岷隱曰鄭之貳晉久矣一旦請成于晉
晉所甚喜故會諸侯以修鄭人之服晉景
公於是無加秦之心矣

六年春王正月公與晉會

去冬同盟于夷平而今歸也

二月辛巳立武宮

岷隱曰按左氏云季文子以寧之功立武宮非禮
也聽於人以救其難不可以立武如左氏所言則
武宮者猶邲之戰潘黨請楚子欲築武庫之類也
公羊之說則不然以武宮為武公之宮按明堂位
曰魯公之廟文世室武公之廟武世室也岷隱蓋
兩存其說木訥口魯祀周公為太祖伯禽為太室
記禮者出於春秋之後見魯立武宮遂有武世室
之語蓋不經矣鄭夾漈曰武宮講武之宮自安寧之

役四卿出而大得志故立武宮備戎事也是不以
為廟也然愚按武公名敖伯禽九世孫成公十一
世祖若果世室不應中毀木訥夾祭之說似矣然
昭公十五年有事于武宮注云武公廟成公復立
則謂武宮非廟不可也或者季孫行父以伐齊為
功故立武宮以誇如前一義皆謙之歟

取鄭專

左氏傳注鄭附庸國也公羊以為知邑不知孰是
然諸家多從左說

衛孫良夫帥師侵宗

卷之五

二十一

陳魯

左氏載晉帥鄭衛侵宋晉師過衛欲襲衛伯宗止
之師還衛人登陴葉石林曰與經絕不相類且晉
衛侵宋而反欲襲衛亦首尾自相矛盾愚按此止當
依經文衛師侵宋

夏六月邾子來朝

邾父不朝今朝以修好

公孫嬰齊如晉

嬰齊者叔肸之子子叔聲伯也高閔集注曰晉召
之欲使魯伐宋也蓋本左氏說

壬申鄭伯費卒

矣伊川曰同盟于馬陵者諸侯同心病楚也特言初服莒舊服于齊今齊來而莒亦隨之也

吳入州來

州來今壽州一蔡縣故蠻也楚人取之為邑而吳今入之吳楚之爭自入州來始蓋入州來則來近楚

冬大雩

穀梁曰冬雩也或春雩本旱祭魯未俗用為他祀歟

衛孫林父出奔晉

春秋卷五

十三

陳

孫良夫專兵而林父世卿欽定公惡之而奔七年而晉侯強攻之於晉城以戚叛則定公惡之是矣八年春晉侯使韓宣惠來言汶陽之田歸之于齊

二年行公從晉伐齊取汶陽田齊既敗而事晉故晉又使魯歸之於齊七年之間一子一奪皆制於晉行父私於韓穿曰汶陽敝邑之舊也然不敢爭

晉欒書帥師侵蔡

蔡迫於楚自翟泉與盟之後未嘗從中國盟會文十五年晉卻缺伐之不能反前年晉欒書救鄭因而伐蔡楚師救之不戰而還晉未得志故再復蔡

遂侵楚獲申驪

公孫嬰齊如莒

左氏謂聲伯因聘而逆婦

宋公使華元來聘夏宋公使公孫壽來納幣

（來聘者聘共姬也宋公使來納幣者宋公自主之也共姬魯成公姊妹爲宋共公夫人

晉殺其大夫趙同趙括

葉石林曰趙朔晉侯之壻朔死而同括之弟嬰亂其室同括不請於君而放之齊於是朔之室譖於晉侯使欒氏卻氏證同括爲亂而殺之愚按同

讀春秋卷五

十四

厚

括嬰皆晉之弟朔盾之子武又朔之子隨朔之室畜於公宮祈奚韓厥言於晉侯曰成季之勲宣孟之忠而無後爲善者懼矣乃立武爲趙氏後是無程嬰杵臼之事也安有晉侯外孫畜於公宮而待外人抱匿之者哉况殺趙氏正朔之室之謀非欲殺朔之子也

秋七月天子使召伯來賜公命

岷隱曰魯十二公獨文成二君身受王命文公拜命之後猶能遣叔孫得臣如京師成公無是也後四年因會伐秦道過京師息汗馬之勞爾愚按魯

不請命天子反賜命而魯又不往拜之春秋之世
倒置一至於此賜公穀作錫義則同天王天子王
者之通稱亦非有異義泰山孫氏云

冬十月癸卯杞叔姬卒

左氏曰來歸自杞故書

晉侯使士燮來聘叔孫僑如會晉士燮齊人邾人伐

邾

士燮來聘者以邾成於兵而請伐邾也魯於邾為

親賂使緩兵士燮脅之行父懼而使宣伯會伐邾

士燮曰邾魯小邦何足以煩二國之謀而重勤

漢書 卷五

十五

五

四國之師哉非難於邾難於兵也薛氏曰吳伐邾

不能救邾服兵則伐之諸侯無所措手足矣

衛人來媵

諸侯娶一國則二同姓之國往媵之國三人凡九

女伯姬將嫁故衛來媵伊川謂伯姬賢故書

九年春王正月杞伯來逆叔姬之喪以歸

孫覺經解曰叔姬者杞伯之出妻也杞伯生絕其

妻死歸其喪春秋以其非禮書之趙氏曰叔姬絕

於杞而卒於魯則宜葬於魯

公會晉侯齊侯宋公衛侯鄭伯曹伯莒子杞伯同盟

于蒲公至自會

傳謂歸汶陽之田故諸侯貳于晉晉人懼而會于蒲張氏曰自此執鄭盟魯紛紛甚矣蒲衛地今屬開封

二月伯姬歸于宋夏季孫行父如宋致女晉人來媵岷隱曰伯姬之賢魯人尊之故既歸宋復使上卿致女以撫問其已至晉人來媵亦媵伯姬也

秋七月丙子齊侯無野卒

齊頃公立十七年卒

晉人執鄭伯晉欒書帥師伐鄭

諱春秋五

一六

鄭自邲之戰從楚者十年自蟲牢馬陵之會楚方備吳未暇爭鄭鄭在晉者亦五年今年蒲之會鄭方從晉楚以重賂求鄭鄭復會楚于鄧故晉執而伐之然非禮甚矣適以激鄭之貳

冬十有一月葬齊頃公

五月而葬

楚公子嬰齊帥師伐莒庚申莒潰楚人入鄆

莒今密州在吳魯之東楚越吳魯而伐之國小而潰鄆者莒魯所爭之邑楚又乘勝入鄆

秦人白狄伐晉

傳曰諸侯貳故也趙氏曰宣八年晉成以白狄伐秦今秦桓亦以白狄伐晉狄介秦晉之間惟強者用之

鄭人圍許

時鄭伯方執於晉而鄭反圍許傳謂此公孫申之謀示不急君也岷隱曰豈有君見執外示不急之意反興師以伐人有如激晉侯之怒其不重為君累者鮮矣按明年鄭伯歸殺申以鄭用其謀改立君也

城中城

諸未永五

十一

注中城東海邑木訥曰楚伐晉入鄆逼近魯故城中城以備不虞或曰魯之內城

十年春衛侯之弟黑背帥師侵鄭

左氏曰晉命也

夏四月五卜郊不從乃不郊

天之不享僭禮如此

五月公會晉侯齊侯宋公衛侯曹伯伐鄭

鄭用公孫申之謀置其被執之君不問立子孺見殺又立髡頑晉欒成子曰鄭人立君我執一人焉何益不如伐鄭而歸其君以求成焉趙氏曰晉景

公欲歸其君而鄭不求欲殺其君而鄭不服故覲
顏以合諸侯伐鄭而歸之

齊人來媵

媵伯姬也異姓來媵非禮也

丙午晉侯孺卒

孺乃
辯反

晉景公立十九年卒許氏曰當景之世楚莊入陳
圍鄭圍宋敗晉于邲中國大絀徒從事赤狄潞氏
迨楚莊沒始得為鞏之役以服齊僅不失霸岷隱
曰晉景嗣霸數勳諸侯相與同盟一曰斷道二曰
蟲牢三曰馬陵四曰蒲蒲之盟以歸汶陽之故諸
侯貳晉爾不訥曰晉自蟲牢始得諸侯宋公一言
不順即命魯衛伐之既而晉以齊厚於己反前日
所取於齊以予魯之田復以予齊故諸侯貳晉

秋七月公死晉

公如晉年喪傳云晉止公送葬諸侯無在者先儒
謂奔喪會葬臣子之事也公自取原蓋晉以反魯
汶陽之田而疑公故辱之

冬十月

書備四時公羊傳無此三字

十有一年春王三月公至自晉

公留晉凡九月始歸

晉侯使郤犇來聘己丑及郤犇盟夏季孫行父如晉

犇尺由反

公自汶陽之田歸齊欲貳晉而不果然嫌隙已

開晉因公之朝而止之數月左氏謂公請受盟而

後使歸郤犇來聘且泣盟季文子報聘亦泣盟也

秋叔孫僑如如齊

傳云宣伯聘齊以修前好張氏謂迫於晉之辱而

不得已者也岷隱曰晉使我歸曰于齊齊未嘗遣

使至魯是德晉而怨魯也今僑如修好未幾而求

謙春秋五

十九

昏齊卒無報聘則魯為齊弱又矣

冬十月

書備四時

十有二年春周公出奔晉

傳載周公楚惡惠襄二族之逼又與卿士伯與爭

政怒而出奔王使劉子復之二日復出奔晉是自

絕于周也

夏公會晉侯衛侯于瑣澤

傳載晉使楚囚鍾儀歸求成於楚宋華元因是合

晉楚之成鄭伯如晉聽成會于瑣澤成故也木訥

曰晉厲初立而求諸侯於是為瑣澤之會然所會者魯衛而已左氏載宋合晉楚之成鄭人聽成考之於經無一毫合不知何年之事而左氏誤附也愚謂止憑經文足矣瑣澤公羊作沙澤

秋晉人敗狄于交剛

傳載狄侵晉晉敗之于交剛岷隱曰春秋時狄患最重齊霸之初狄方為患威公不能治也晉霸之衰狄人微弱晉乃能屢勝之春秋於晉敗狄之事纖悉備書幸中國之猶能自強也

冬十月

讀春秋五

二十

竹資

書備四時

十有三年春晉侯使卻錡來乞師二月公如京師夏五月公自京師遂會晉侯齊侯宋公衛侯鄭伯曹伯邾人滕人伐秦曹伯廬卒于師秋七月公至自伐秦傳載秦栢公既與晉厲公為合狐之盟又召狄與楚欲道以伐晉故晉使呂相絕秦而帥諸侯之師及秦師戰于麻隧秦師敗績張氏曰晉以私怨報秦其義不足以令諸侯故卑辭以乞師諸侯已絕迹於京師一百餘年今因伐秦過周因講朝禮故書如京師而不書朝以見諸侯之行止為伐秦而

不為朝王也戴氏曰公無朝王之心道過京師不
得已而行朝王之禮書公自京師書公至自伐秦
見初心之所存而終事之不可掩也曹伯廬卒于
師傳曰閔之也蓋曹宣公立十七年為晉役而死
于行不得其所也

冬葬曹宣公

傳載子臧逆宣公之喪公子負芻居守乃殺其太
子而自立既葬宣公子臧將亡國人皆將從之負
芻懼告罪且請焉子臧乃反而致其邑子臧賢公
子季札所慕而效者也負芻是為成公

十有四年春王正月莒子朱卒

張氏曰莒季作也

夏衛孫林父自晉歸于衛

林父奔晉已七年衛侯如晉晉侯強見林父定公
不可既歸而晉使卻犢送之衛獻之出奔禍根往
此衛自元咺以臣杭君皆晉為之矣

秋叔孫僑如如齊逆女

張氏曰逆公夫人也

鄭公子喜帥師伐許

傳載鄭子罕伐許鄭伯復伐許許人平以申叔之

封明年遷于葉避鄭以依楚蓋鄭自成三年再伐許四年伐許九年圍許今又伐之晉不能救也九月僑如以夫人婦姜氏至自齊

僑如稱名不稱氏者一事再見因上文也稱婦有姑也于時穆姜尚存

冬十月庚寅衛侯臧卒

衛定公立十二年卒

秦伯卒

高閔集註曰秦桓公也立二十八年卒史失其名十有五年春王二月葬衛定公

五月而葬

三月乙巳仲嬰齊卒

初東門氏公子遂立宣公有寵其子歸父繼世專政謀去三桓未遂而宣公薨三桓逐東門氏歸父奔齊魯立嬰齊以後東門氏杜氏注曰立為襄仲子歸父之弟襄仲即公子遂之字以字為氏故曰仲嬰齊

癸丑公會晉侯衛侯鄭伯曹伯宋世子成齊國佐邾人同盟于戚晉侯執曹伯歸于京師公至自會

傳云會于戚討曹伯負芻也愚按負芻劫殺世子自

立是可討也。然與之會，然後執之。若紹而致之，非討之義。張氏曰：先執曹伯以令諸侯，然後盟之，乃盡善也。

夏六月，宋公固卒。

宋共公立十三年卒。

楚子伐鄭。

木訥曰：前年鄭公子喜無故而伐許，許楚之與也。鄭昔嘗伐許而楚不問，以鄭亦在楚耳。今鄭從晉而伐楚之與國，楚能不惡鄭乎？故楚子伐鄭為許也。鄭有以招之也。

黃春秋一

秋八月庚辰，葬宋共公。宋華元出奔晉，宋華元自晉歸于宋，宋殺其大夫山。宋魚石出奔楚。

左氏曰：葬宋共公，於是蕩澤弱，公室殺公子肥。蘇氏曰：華元將討之而力不能，故出奔。奔而國人許之討，然後歸，故其討之也。族人莫救。劉氏曰：元自晉歸，使國人攻栢氏，殺蕩山。黜魚石，國然後定。蓋說者謂山即蕩澤之名，而魚氏與蕩氏皆栢族也。木訥曰：左氏載元之奔也，魚石止元于河上，而經實書奔晉，又載魚石請討山。既討山，則魚石何用奔楚？考其言無一合於經。蓋山與魚石均宋之亂。

臣故山見殺而魚石奔復倚楚而入愚按傳與經異但當信經凡依傳而生說以釋經者不必也

冬十有一月叔孫僑如會晉士燮齊高無咎宋華元衛孫林父鄭公子鮒邾人會吳于鍾離

傳始通吳也注鍾離楚邑淮南縣吳始來通晉帥諸侯之大夫會之故殊會趙氏曰先會晉而後會吳殊會也高氏曰吳實夷狄反安坐于鍾離以待中國之會葉氏曰成公之末楚浸衰而吳驟強天下所恃者晉而已反率諸侯而從之一會而合七國再會而合十三國三會而合十二國天下無不

讀春秋五

十四

廿八頁

聽於吳焉鍾離楚邑今濠州

許遷于葉

避鄭依楚也傳云楚遷之葉今汝州葉縣

十有六年春王正月雨木米

范甯曰雨著木成米

夏四月辛未滕子卒

左氏傳滕文公卒

鄭公子喜帥師侵宋

公子喜穆公子子罕也侵宋代喪也鄭叛晉從楚故為楚侵宋自攻其類也

六月丙寅朔日有食之

書災

晉侯使欒黶來乞師甲午晦晉侯及楚子鄭伯戰于鄢陵楚子鄭師敗績楚殺其大夫公子側

鄢陵鄭地也是役也晉呂錡射楚共王中目楚師宵遁晉入楚軍三日穀公乎側鄢陵之敗帥也楚

故殺之自昔敗于必楚師橫行中原公厲公一戰而勝之

國二十餘年之恥岷隱曰鄢陵之戰與城濮同力然厲公所以異於文公者一勝之後無以居之沙隨之不見公季孫行父之見執厲

論語

卷之五

十一

公之志驕矣愚觀晉既敗楚范文子立於馬前曰何以及此君其戒之蓋知厲公非保功之君也果

難作鄢陵鄭地今開封

秋公會晉侯齊侯衛侯宋華元邾人于沙隨不見公公至自會

謀欲伐鄭鄭未服也魯叔孫僑如與君母穆姜謀作難公至後期故晉不見公沙隨宋地

公會丑子晉侯齊國佐邾人伐鄭

注曰(丑子)王卿士也木訥曰晉侯敗楚鄭之師于鄢陵鄭卒不及今又以王命伐之

曹伯歸自京師

曹伯負芻殺太子而自立晉侯執而歸之京師谷
改立賢公子子臧子臧不肯盡致其邑與卿而不
出故負芻復得歸鄭木訥曰曹成殺世子而自立
幸晉有尊周之心不自裁處而歸曹伯于京師王
苟因是而用其威福之柄天下孰不震懼今乃置
而姑息之諸侯判然知王法不復行其何息而不
為亂臣賊子哉吾於此重為周王惜之愚按曹伯
復歸而不書名諸家說各不同竊意突忽爭立故
出入必書名以為別曹成之位已定三年不待書
名為別耳恐無他義

一讀春秋五

二六

竹

九月晉人執季孫行父告之于莒兵冬十月乙亥叔
孫僑如出奔齊十有二月乙丑季孫行父及晉欲驪
盟于扈公至自會乙酉刺公子偃

叔孫僑如與穆姜謀去季孟而取其室使晉因季
孫在晉殺之而已殺孟獻子於魯故晉執季孫而
舍之莒兵莒也晉地也公使子叔聲伯請季孫於
晉故晉與季孫盟而還之叔孫僑如謀不遂而出
奔公歸而刺公子偃偃者公之庶弟穆姜謀亂嘗
怒公而指偃可也公故也僑如既奔齊魯自豹以

後叔孫氏蒞公羊作紹

十有七年春衛北宮括帥師侵鄭

左氏以為衛救晉也木訥曰使晉被鄭兵而衛救之則有援霸主之功何得不書而書侵耶愚謂此經文之所無但據經文謂衛侵鄭足矣

夏公會尹子單子晉侯齊侯宋公衛侯曹伯邾人伐

鄭六月乙酉同盟于柯陵秋公至自會

葉石林曰單子王之中大夫也王大夫前未有二

人臨諸侯者此言尹子單子鄭恃楚不服晉復請

於王而益之也一命而行一人可矣命而不行雖

諸春秋五

二十七

竹資

益何補趙木訥曰以七國之衆加以王師而鄭未

反故遂與柯陵之盟戴岷隱曰前此諸侯屈天子

之卿為會者有之未有屈二卿者屈天子之卿為

盟者有之未有同盟者傷公之志驕僭甚矣

齊高無咎出奔莒

左氏載慶克通于靈公母聲孟子蒙婦人衣乘輦

而入鮑牽見而告國武子武子召慶克而謂之克

以告夫人怒及國子相靈公會而歸孟子譖高鮑

將不納君而立公子角且譖國子亦知其謀故公

刑鮑牽而逐高無咎無咎奔莒弟高弱奔盧

九月辛丑用郊

木訥曰魯之下郊自成公始而用郊自成公始蓋前此雖以史遜請之平王得用郊猶疑其僭而卜之未遽用也成公七年卜之不從乃免牛十年又嘗卜之五卜不從遂不郊今成公懼卜而不從則終不得郊故不復卜而直用之聖人書曰用郊蓋前此未嘗用也至定哀之郊則不復書用蓋責不在定哀其用之始於成公用與用田賦用致夫人同謬者求其說而不得遂以為用人其支離一至是哉

讀春秋五

卷二十八

十一頁

晉侯使荀瑩來乞師冬公會單子晉侯宋公衛侯曹伯齊人邾人伐鄭十有一月公至自伐鄭

傳載諸侯伐鄭楚救鄭諸侯還晉至此再假王命三合諸侯以伐之而不能服

壬申公孫嬰卒葬于狸脰力之反

公孫嬰齊公肸之子子叔聲伯嘗請行父於晉者也與前仲眼文齊同名耳卒于狸脰者從公伐鄭還而道空脰公羊作軫穀梁作蜃

十有二月丁巳朔日有食之

書災

邾子貜且卒

獲且立四十年卒

晉殺其大夫卻錡卻犇卻至

左氏載晉厲公侈多外嬖反自鄢陵欲盡去羣大夫而立其左右胥童嬖而怨卻氏請必先三卻遂殺之皆尸諸朝又以甲劫欒書中行偃於朝穀梁曰禍於是起

楚人滅舒庸

任氏曰舒庸東夷偃姓之國左氏曰舒庸以楚師之敗道吳人圍巢故楚滅之

漢春秋五

十九

竹齊

十有八年春王正月晉殺其大夫胥童庚申晉弒其君州蒲

傳載欒書中行偃殺胥童又使程滑弒厲公而迎立周子年十四是為悼公蓋胥童實道厲公殺三卻又親劫欒書中行偃故二人殺胥童繼弒厲公近世張洽受春秋於朱文公者也其集註謂聞之師曰稱國以弒者衆弒其君之辭也曷為不言二臣弒之孟子論貴戚之卿君有大過則諫反覆之而不聽則易位厲公之過大矣耽用小人殺戮無辜舉朝諸卿不保首領書偃晉之世臣以社稷為

心尚可行易位之權而遽弑之夫二人嘗以君事之矣故稱國以弑分其惡於衆也悼公遂不臣者七人而不誅書偃非里克密喜之比故也木訥趙氏曰厲公之興哆然修文襄之業敗狄伐秦既如其志當吳楚並興欲抗吳則畏楚欲抗楚則慮吳遂合諸侯以會吳于鍾離蓋疑吳楚合則中國無以抗之也吳既我附明年遂興鄢陵之師大敗楚鄭謀亦深矣然晉雖得志而鄭不反是時不退而修德乃遷怒魯之後至沙隨之會不見公既而上屈王師下連諸侯三疾于鄭鄭不能得忿無所洩

諱春秋五

三十

什

內疾邠佐立其朝者儼然如不終日故中行欒氏之逆成嗚呼剛暴之君可不監哉愚按張氏詳其一時取禍之患趙氏詳其平日紹霸之勤故并錄以備參考

齊殺其大夫國佐

慶克通乎君母君母怒國子之謫克也諸國子既而慶克以君命圍高弱於盧國子往殺慶克于盧師以穀叛齊侯與盟于徐關而復之既叛而復仕其朝故齊侯殺之于內朝之宮然齊侯使慶克之子慶封爲大夫則又終禍矣

公在晉

平陽侯

平陽侯之也

夏楚平

下中魚石復入于彭城

宋華元

疾而魚石奔楚故魚石借楚之力伐

宋而

彭城宋邑也

公至自公

公上旬來聘

公入

公入聘使范宣子來謝其朝晉悼公交鄰

有

秋社

社邦子來也

傳

公入朝使公入問晉故邾宣公初即位

不來

築鹿囿

杜丘江築木墻為鹿囿

已丑公薨于路寢

正也

冬楚人鄭人侵宋魯侯使士魴來乞師十有二月仲

孫夷會晉侯宋公衛侯邾子齊崔杼同盟于虛打讞

房打也

晉謀救宋也諸侯師至而楚鄭之師已退晉侯親

立因為同盟

丁未葬我君成公

五月而葬

成公立以正薨以正世萬承嗣國家無事魯自春秋以來惟成一人而以此然作丘甲始用郊其失不少又內制於行父十四大夫之師以報歸公謀夫三相之制於魯而復見集弔京公喪而輒加止如沙隨之會而不得見亦情愴度日爾

襄公

昔年成公之子母定姒謚法因事有功曰襄

禮春秋五

三十二

王傳

二年春正月公即位

於此葬女公年四歲

仲孫之會晉欒黶集宋華元衛甯殖曹人莒人邾人滕人薛圍宋彭城

魚石自宋逃楚楚伐宋而納魚石於宋之彭城此去年之也以至又復侵宋蓋既已納魚石據宋一邑因食之謀未已也時晉悼公以十四歲新立即命以誦天之師以救之師至而楚師還宋因辭諸侯請其師圍彭城至是晉大夫帥諸大夫共圍之彭城降晉首以魚石之族五大夫在彭城

禮春秋五 三十二 王傳

者歸而實諸瓠丘於是彭城復為宋有本訥曰伐
叛討逆霸王事也悼公之興首合諸侯之大夫為
宋圍彭城討魚石得其職矣宜列國和會而願奉
其職也

夏晉韓厥帥師伐鄭仲孫蔑會欒黶栾黶晉人杞
人次于鄆秋楚公子壬夫帥師侵宋

鄭從楚伐宋者也晉既救宋矣故以次伐鄭諸侯
之師次于鄆者為之援也鄆鄭地也楚之侵宋者
攻晉之所救也胡氏曰楚人釋君助臣事已悖矣
晉降彭城以魚石歸遂伐鄭而以諸侯次鄆援之

放義而行者也戴氏曰韓厥身自伐鄭而諸侯不
與焉亦見晉悼公圖霸之初使大夫身親其勞不
敢勤諸侯之師若此且其能成霸也趙氏曰中國
伐鄭屢矣必連諸侯之師今悼公之圖鄭亦可謂
有謀矣以韓厥獨攻其前以五國之兵援其後楚
兵不出則一韓厥足以敵鄭而有餘楚兵出則五
國之師足以圍鄭而不備此皆所以謹用諸侯而
不忍輕闢其民也許氏曰楚人侵宋攻晉所救而
諸侯之師卒不為動則有以量楚力之所至矣韓
厥公羊作韓厥鄆公羊亦合

九月辛酉天王崩

簡王在位十四年崩

邾子來朝父衛侯使公孫剽來聘晉侯使荀息來聘
岷隱曰歷考十一公即位之初朝聘鄰國者有矣
鄰國未有先來聘者獨襄公為然意晉悼初立屈
已交諸侯當次鄙之役晉侯衛侯實次于戚以為
之援故謀而聘魯然愚按先儒皆以天王崩不奔
喪而朝聘於魯為非此又正本之論而春秋時習
俗之所不識者也若邾之來朝則高氏謂公方四
歲安能以禮相接然則此殆禮之贅又非來聘者

讀春秋王

二十四

比也

二年春王正月葬簡王

五月而葬速天子七月而葬

鄭師伐宋

左氏曰楚令也木訥曰鄭成公為人固而不知機
彼鄭文鄭襄不幸無霸主楚兵脅之姑從楚以紓
國患而已成公之初堅附中華一折而從楚則至
死不變晉厲敗楚師三以諸侯伐鄭鄭可歸矣反
受役於楚以戕中國愚謂晉厲猶以力服之也今
楚納宋之叛臣晉悼公伐其叛臣而取之義聲震

夷夏逆順曉然矣何為尚為楚而伐宋耶

夏五月庚寅夫人姜氏薨

成公夫人齊姜也

六月庚辰鄭伯論卒論古

成公立十四年左傳載其臨死不忍背楚之言

高氏曰不言葬者以成公背中國諸侯不會其葬

也許氏曰鄭豈以中國為終可昧既蒙楚之德

遂不可反是以君子貴謀始也

晉師宋師衛甯殖侵鄭

木訥曰侵淺事也合三國之師於鄭郊而侵之要

讀春秋五

三十五

其服而已非志於伐也說者以為鄭方在喪伐喪

為不義吾以為鄭成終身陷於左衽而不反以楚

之誘之也今新君即位苟一朝乎楚為楚所化則

亦未易歸也故以兵侵之要其速從中國而已非

伐喪也愚聞之先師亦曰三國成師以出不以伐

而以侵者正避鄭之喪也晉悼公豈伐喪者哉

秋七月仲孫蔑會晉荀偃宋華元衛孫林父曹人邾

人于戚

左傳載會于戚謀鄭也孟獻子請城虎牢以逼鄭

知武子曰善齊崔子今不來矣滕薛小邾之不至

比皆齊故也將復於寡君而請於齊於是今年冬成
之會齊滕薛小邾皆至遂城虎牢木訥曰合六國
之大夫而不加侵伐謀所以服之之術而已晉所
以皇皇然速於得鄭者蓋鄭僖初立儻一為楚所
羈則未可以文告致是機會之不容失者不然一
歲之間三合兵車何諸侯之不憚煩哉
已丑葬我小君齊姜

杜氏曰齊謚也三月而葬速

叔孫豹如宋

左氏曰通嗣君也杜氏曰豹僑如之弟也木訥曰

讀春秋第五

二十六

叔孫氏自公孫茲叔孫得臣再世為卿至叔孫僑
如其橫滋甚及譖成公及季孫行父于晉事敗奔
齊叔孫氏之黨沮矣今襄公即位幼未能君盟會
征伐專於仲孫蔑也昔孟獻子而季孫行父為正
卿則耄矣故季氏復出而任聘問之事豹得臣之
次子也

冬仲孫蔑會晉曷瑜齊崔杼宋華元衛孫林父曹人
邾人滕人薛人小邾人于戚遂城虎牢

齊滕薛小邾聞知武子之言故皆來會既城虎牢
鄭人乃成呂氏曰城虎牢所以服鄭而拒楚鄭服

則楚自遠苟瑩城之是也非取其地而有之也故
不繫之鄭陸渾白城虎牢可以安中國息徒伐故
聖人許其取而不繫之鄭張氏治曰虎牢所以不
繫鄭者鄭背華即夷黨本以為中國患悼公動天
下之諸侯以討之而負曰曰若故從孟獻子之謀
城其鬻邑以制之以伯也曰不服之國地非鄭之
所可私此春秋明王制以示予隼之正也木訥趙
氏曰此一國之功小安天下之功大晉悼初圍宋
彭城也曰叛臣爾其利不及天下此一國之功
也晉楚五十年乍叛乍服惟強是從鄭成一
叛入楚一乃不復反以一鄭不服天下諸侯為
之一不叛也之會無日而置今晉悼謀制鄭之策
而城虎牢年古號國鄭得之為制邑至是為虎
牢在楚成臯今為孟州汜水縣巖險聞於天下
楚鄭倍以抗中國今晉率下國之大天取而城
之虎牢也汜鄭言何恃以抗中國哉故雞澤之
盟鄭不伐而自一國之君同泣是盟而天下無
兵車者六年則一之城誠有功於天下此天下
之功也愚按此以諸儒多責鄭不能自守其險而
反為晉取然使鄭能守此險則為楚以戕中國今

晉取此險則可拒楚以安中國諸儒之為此說者豈不知夷夏之辨耶何不責鄭之不從晉反責鄭之不守險也

楚殺其大夫公子申

左傳載公子申為之其多也 則之谷以逼子重子辛故楚人殺之

三年春楚公子嬰齊帥師

傳載楚子重伐吳克鳩茲 而只取其駕

獲鄧廖焉良邑廖亦楚之 則曰晉厲公會吳

曰夷以攻中國之福稽 則曰晉厲公會吳

春秋五

二十八

五

於鍾離嘗有謀焉鍾離一書而無仇晉之心楚有患二意故楚之伐吳少吳不與已而與中國也楚之六乃既分於吳而不能專向中國此諸侯之患得少綠吳既受楚兵亦不能無求於中國故五年戚之會吳不召而不自是天下之勢遂成鼎足晉吳楚是也吳既中國則楚實孤終春秋之世楚無一日安枕者其簡也東也

公如晉夏四月壬戌公及晉侯盟于長樗公至自晉如晉者朝霸主也公時方六歲相其行者孟獻子也蘇氏曰晉侯修禮於諸侯故去其國都與公盟

襄三年

晉悼公四年三月

晉厲公會吳

于長檮張氏曰長檮近晉之地也

六月公會單子晉侯宋公衛侯鄭伯莒子邾子齊世子光已未同盟于雞澤陳侯使袁僑如會戊寅叔孫豹及諸侯之大夫及陳袁僑盟秋公至自會

木訥曰悼公晉之賢君也其所以霸諸侯之效在得陳得鄭而已陳鄭即楚久矣今與虎牢之役隻矢不遺而鄭來陳見鄭來而恥獨為夷亦遣袁僑如會然鄭以君會而陳以臣至雞澤之盟以諸侯盟鄭之君戊寅之盟以大夫盟陳之臣蓋鄭伯之來既與盟矣袁僑至而無以質之則懷附之心不

讀春秋第五

三九

固苟復自與之盟則袁僑實抗而霸權不尊故以大夫盟之則皆無臣已之虞僑無抗君之罪禮甚安而分甚明此吾所以見悼公之賢也論者乃謂諸侯在而大夫盟為大夫之專不知大夫奉君命而盟袁僑何得為專愚按此役說者至具其不當盟單子竊意齋始假王人為重故首止葵丘會王人而不敢同盟世變日降晉厲之世王人之同盟屢矣久而自同於列國今不待請而自至習俗既成雖以悼公之賢不知革其非此可為世變歎爾

